

韶州府志

韶州府志

韶城
萬竹園承刷

同治甲戌
孟夏月鑄

韶州府志序

志乘一書與詩相表裡古者陳詩觀風以驗政治
今使車所至郡邑率具志書用備觀覽蓋其遺意
也予奉

簡命分道巡粵駐節韶陽披閱郡志周咨土俗而知利
弊竊歎志書爲一方掌故亦長吏治民之明鑑也
攷韶志先有新舊圖經久佚不傳最後爲明之符
志亦就殘缺

國朝康熙二十六年郡守唐君踵修刊行今二百年
矣徵文攷獻端賴此編然政因時宜人以代著歷
年既久有待纂增壬申之夏郡守額君以修輯來

韶州府志序

一

請隨設纂局延單藻林山長總其事而屬歐孝廉
諸紳勦校七閱月而就緒旋權篆高涼今春張君
綜核繕本就質於余竊維修志之法萬不敢言春
秋謹嚴然文省事增操筆者宜奉爲圭臬諸紳博
採廣摻文無遺義而詳畧之宜有待再商爰偕歐
孝廉重加校正大率宗舊志而證以他書計從事
數月猶虞其舛也編數往復而心始安其亦古人
矜慎之意與而未敢信也書成都分卷帙用資考
證後之牧斯郡者於此辨形勢察輿情興學育才
劭農講武權輕重以爲治庶免無徵之憾焉然則
志書之作吏治民風胥關得失纂修之責不綦難

余未與其役而適觀厥成風土所關足資治理不
得謂非余之幸也雖然當兵燹廢墜之餘無文獻
銷沈之慨凡所謂農服先疇士食舊德者並可於
此覘豐樂之象焉則非獨余一人之幸而實全韶
六邑士民所共幸已按韶之宦蹟如衛颯徐豁鄧
文進盧光稠諸賢流風善政俎豆至今人物則唐
之張文獻宋之余忠襄學業事功炳燿千古余不
敏治行萬不逮古人而不敢不以古人自勉至於
山川清淑之氣鬱久必宣武溪韶石間必有績學
敦行之儒弁冕科第黼黻廟堂繼先民而起者則
余於韶之士君子尤有厚望焉是爲序

韶州府志序

一一

光緒二年歲在丙子孟夏月布政使銜分巡南韶

連道華祝三撰

重修韶州府志序

光緒乙亥紀元余奉

命分巡嶠南駐節韶石閱明年丙子郡紳以重修韶州府志問序於余則前巡道林君郡守額君倡議續修而單藻林山長歐蓉江孝廉暨諸君子纂輯而成者也余既謝不敏且以始終未與其役辭而諸紳之請益固竊惟州邑志乘與

國史相表裏非徒備掌故也且足爲從政之一助故凡膺守土之責者下車伊始莫不以索觀志乘爲先慨自粵逆搆亂以來潢池盜弄流毒幾徧天下方州糜爛井邑半墟凡聲名文物之邦被禍尤烈

韶州府志序

一

典章方策其與故家喬木同爲灰燼者多矣戡定而後百廢具興比年各直省郡邑咸有修志之舉然往往詢及舊志則梨棗俱灾求之又久而弗得卽得矣而又官無完牘家渺遺書以致蒐訪考訂有閱五六稔未能蒞事者非修志之難而實無徵之難也韶爲楚粵要衝屢嬰巨寇屬邑殘破惟郡城僅而獲全烽燧所及固已多所燬棄且距前修幾二百年增新補舊良不易易乃倡議者勤懇於前秉筆者慎敏於既不終歲而脫稿逝之手民成功速而糜費省於是山河之險夷人事之繁蹟舉所宜誌者莫不燦若列眉其裨益於韶豈淺渺哉

哉是爲序

皆

同治十三年歲次甲戌暮春月分巡南韶連兵備

道林述訓撰

韶州府志序

二

今天子御極之八年余田部曹出守韶州下車之始卽索觀郡志不可得詢之吏人以梓板久毀對搢紳家亦鮮有藏者多方購求久之獲一帙漫漶殘缺幾至續不終篇稽其時則康熙二十六年所修本也距今幾二百年矣慨然曰是非守土者之責耶夫志之所志卽古觀風納賈之遺意我

朝聲教四訖無遠弗届况韶州承有虞氏之遺久親聖人教化稱聲明文物之邦綜稽往籍代有偉人流風餘韻俯仰間如或遇之惜今之蠹簡零編多厯年所其政令之張弛習俗之移易人文之繼起未經續纂者不一而足兼之劫厯紅羊屬邑大都

韶州府志序

三

殘破一時戎功武畧節烈忠貞久而不彰將汨沒於荒煙蔓草修復之宜亟無有甚於今日者屬政繁未暇府庫不充事難驟舉越三載百廢漸復四方安堵一日謁 觀察使林公白以府志歲久失修事多缺畧前此者已虞因誤傳疑後此者更恐無徵不信奚以維持風化詔示來茲他日省方將成缺典擬卽爲續殘補闕 觀察曰嘻余蓄此志久矣以兵燹初定民氣未復且未有同志者任之子欲舉行意甚善第民貧地瘠經費難籌必事在速成始無糜費年湮代遠責在廣訪博稽務得其人庶免遺濫愼毋銳於始而懈於終也愼毋矜言

作而不必善成也子其勉旃余謹受教爲之悉力
籌畫不請官帑不事科歛因地因事經營數閱月
得備款以待時則有單藻林先生連州名宿也由
江西太守解組歸主韶城相江講席以禮聘爲總
纂之任延曲江孝廉歐君樾華英德孝廉楊君模
曲江選拔侯君遇南翁源選拔何君天龍分司編
纂暨擇各邑紳矢慎矢公遍爲採訪粗就緒隨與
主文者商權體例或改修或修併或增益分門隸
事秩然勿紊遠事之無考者闕之近事之有徵者
補之疑以存疑信以傳信務質實毋炫飾議成條
列各目呈 林觀察鑒定後具其事於 上台皆

韶州府志序

四

曰可諏吉壬申之七月設局開修諸紳咸踴躍從
事不數月綱舉目張大端已具竊幸得樂觀厥成
也詎歲除余因奉檄移守高州匆匆赴任去臨歧
祖道與局紳諄諄相囑悵然久之今春三月歐君
函來謂郡志將脫稿告成付之剞劂余聞之色喜
忻然曰功竣竟若是之速耶方余初倡議時撫陳
編之脫落嘆墜緒之微茫深懼謀之不臧無由集
事今幸矣昔之蠹腐而不堪卒讀者今則燦若列
眉而備一隅之文獻矣昔之散失而恐其湮沒者
今則勒爲成書而發潛德之幽光矣上以供輶軒
之採擇下以資後世之觀感卽於是乎在雖其間

傳聞濶絕控羅無從誠不免有草腐珠沈之憾然
而卓越之行常存於天壤秉彝之理不沒於人心
後之博雅君子必將補今之未逮也是役也 觀
察林公提挈其綱領張太守踵事督成秉筆諸公
紀載表彰夙夜匪懈余謏陋不文固不足肩斯任
始其事又未獲終其事心竊愧焉因歐君以序請
爲述其原起云爾

皆

同治十有二年歲在癸酉暮春下澣韶州府知府
調署高州府事額哲克撰

韶州志權輿於劉宋王韶之始興記其專本也嗣唐以韶名州而有圖經宋趙伯謙又著新圖經元有王志明有方志符志自成一代書今篇目散見而全帙則無可攷矣

國朝定鼎康熙丁未郡守馬公倡修越二十年唐公增修距今二百年其間因革損益與夫人物所宜增者幾久而就湮歲壬申郡守額公報政之暇擬修郡志請於觀察林公敦延吾師單藻林夫子爲總纂而委樾以主文自維譎陋於史家無一長安敢毅然刪訂惟前事者後事之師也取舊志讀之勉竭負山之力條綜終始而得大畧復隨楊

韶州府志序

六

曙洲何雲臣侯紹周三同年參互考訂創爲草藁彙質於單夫子而報之郡守適額公有高州之役匆匆未暇細校也張公嗣守命繕呈觀察鈞鑒觀察詔樾而告之曰志史之支流也以嚴潔爲主今觀藁本規模具備近於醇雅而事之利弊文之繁簡宜再參詳子其來署爲余商爰具筆札親承校閱觀察乃日求郡之休戚隨條剖析期歸明顯爲施政資樾亦時陳管見參末議於篇蓋其慎也書成計四十卷付之剞劂以備一方掌故而觀察實心實政保惠吾韶亦於是乎見由此觀之澤被生民仁人之用心固自無窮乎後之

人士徵文考獻興感於風化之由當羣然景仰乎
德教也至樾 一介庸愚謬爲掇拾僅以襄事竊附
未光諸君子曲諒寡識而教之也幸甚郡人歐樾
華謹序

修志職名

總修

欽加三品銜分巡南韶連兵備道

林述訓

賞戴花翎三品銜候補道韶州府知府

額哲克

賞戴花翎補用府署韶州府知府

張作彥

欽加三品頂戴道銜署韶州府知府

段錫林

監修

賞戴花翎同知銜曲江縣知縣

張希京

總纂

前江西臨江府知府知府

單興詩
連州

分纂

韶州府志職名

—

主稿舉人

歐樾華
曲江

分發四川試用知縣舉人

楊模
英德

增城縣教諭拔貢

侯遇南
曲江

儘先選用教諭拔貢

何天龍
翁源

舉人

陽成華
廣西

總校

州同銜舉人鄧掄英
曲江

恩貢

鷗棠華
曲江

分校

廩生劉松
曲江

增生

張雲翹
曲江

廩生廖誌光
曲江

廩生

楊楷
英德

生員何天麒
翁源

生員

唐建勳
曲江

生員曾敦庸曲江 生員

劉占芳曲江

總採訪

歲貢張世賢曲江 卸新甯縣教諭

楊文田曲江

分採訪

舉人王熾昌翁源 拔貢

沈師誠翁源

拔貢劉思楨仁化 拔貢

李濂英德

拔貢傅秉堅乳源 拔貢

許熙堯翁源

拔貢黃政勤樂昌 拔貢

馮翼之曲江

拔貢劉竹如乳源 制舉

龔敬德樂昌

歲貢白權樂昌 歲貢

白淇樂昌

歲貢莫楷曲江 歲貢

曾世翰曲江

韶州府志職名

一一

歲貢朱世榮翁源 歲貢

郭先香翁源

歲貢楊培植英德 歲貢

黃惠風英德

歲貢方均仁化 恩貢

譚世芳仁化

教職巫宜勳英德 廩生

張景徽英德

廩生葉華國仁化 廩生

萬文新英德

生員李鼎銘曲江 生員

楊夢禧曲江

經管

候選直隸州州判拔貢

張共辰曲江

州同銜龍川縣教諭

邱培璜曲江

候選訓導歲貢

侯文輝曲江

國子監典簿銜候選訓導歲貢

劉多寶曲江

收掌

中書科中書朱邦淑廩曲

江貢廩生

張子光曲江

繪圖

增生

朱克仁曲江

校對謄錄

生員

歐烜新曲江

韶州府志職名

三

韶州府志目錄

序 職名 圖

卷一

訓典

卷二

歷代沿革表

卷三

職官表

文職 漢 隋 三國 唐 晉 南漢 宋 宋 元 梁 陳

卷四

職官表

文職 明

卷五

韶州府志目錄

一

職官表

文職 國朝

卷六

職官表

武職 宋 元 明 國朝 封建附

卷七

選舉表

制舉 文科第 貢選

卷八

選舉表

國朝 文科第 貢選

卷九

選舉表

武科 例宦 武秩 封蔭附

卷十

輿地畧

方域 形勢 晷度 分野 氣候

卷十一

輿地畧

坊都

戸口

風俗

物産

祥異

卷十二

輿地畧

山

卷十三

輿地畧

川

水利附

卷十四

輿地畧

關隘

梁津

卷十五

建置畧

城池

廨署

卷十六

韶州府志目錄

一一

建置畧

學校

卷十七

建置畧

學校

學制附

學田附

卷十八

建置畧

書院

卷十九

建置畧

壇廟

卷二十

建置畧

坊表

卷二十一

經政畧

田賦

外賦附

祿餉

祀典

儀制

卷二十二

經政畧

關權

鹽引

積儲

卷二十三

經政畧

郵政

防韶經費

賓興經費

卷二十四

武備畧

兵制

哨營
汛疆
里兵
事

城樓
砲位

營馬

卷二十五

古蹟畧

城址

署宅

亭臺

卷二十六

古蹟畧

名勝

寺觀

塚墓

卷二十七

韶州府志目錄

三

宦績錄

卷二十八

宦績錄

卷二十九

宦績錄

卷三十

武功錄

客將附

卷三十一

謫宦錄

寓賢附

卷三十二

列傳

人物

卷三十三

列傳 人物

卷三十四

列傳 人物

卷三十五

列傳 義烈 耆壽

卷三十六

列傳 列女

卷三十七

列傳 列女

卷三十八

韶州府志目錄

四

列傳 釋道 獯蠻

卷三十九

藝文

卷四十

雜錄

韶州府輿地圖

郡屬舊志地圖綜境內山川繪成總圖縣圖
具載大畧今圖以此為底本再合廣東通志
及圖說兩書詳加校訂以定圖式復謹遵

大清一統志辨湊水武水東江滇江來源攷武溪集辨
大崗山仙人石室在處將圖位更正又凡山
之位置宗通志水之脉落宗圖說邑治巡司
汎防之處所據舊志與採訪商推閱月訂成
此圖務使疆域瞭然在目非敢云確也第按
圖求之庶幾有以辨得失耳

韶州府志輿地圖





韶州府志輿地圖

一一





韶州府志輿地圖

韶石圖舊志所載溯郡之始名也按元和郡
 縣志隋開皇九年改東衡州爲韶州取州北
 韶石爲名唐書貞觀元年乾元元年俱稱州
 曰韶州今攷韶石在郡北八十里雙闕矗立
 外而鐘石使石鳳閣毬門共三十六石天然
 分峙洵靈秀所鍾郡治之大觀也謹依舊志
 備載斯圖

韶州府城池圖

韶州府志城池圖

十

韶州府城池圖

城周圍九里三十步
高二丈五尺
池東南六百零一丈
東北四百零四丈
正北二百一十六丈
東西瀕河無濠





韶州府志城池圖

郡城之設自南漢始基代經修築事詳建置略今將署
 廡壇廟樓臺街道並周垣城門按位繪圖因攷城門初
 年位置不詳舊志載宋寶元二年修望京門明洪武二
 年建五門方位及名見建置略嘉靖二十年修五門大樓天啟四
 年開新東門崇正九年以形家言遷上數十武若正南
 一門啟閉年代志俱不載而父老傳聞隱有遺蹟同治
 十三年冬郡紳士呈請開復經署道張銑署鎮鄭紹忠
 署府段錫林會詳督撫部院批行光緒元年張署道段
 署守先後瓜代去續經巡道華祝三署鎮鄭紹忠知府
 額哲克會諭郡紳士勸捐度地涓吉興工在城南隅開
 門建樓連築月城鞏橋題其門曰文明光緒二年仲秋續志

韶州府志卷一

訓典

順治三年

上諭朕惟

太祖

太宗創業東方民醇法簡大辟之外惟有鞭笞朕仰荷天庥撫臨中夏人民既衆情僞多端每遇奏讞輕重出入頗煩擬議律例未定有司無所稟承爰敕法司官廣集廷議詳繹明律參以國制增損劑量期於平允書成奏進朕再三覆閱仍命內院諸臣校訂妥確乃允刊布名曰大清律集解附例爾內外有司官吏敬此成憲勿得任意低昂務使百官萬民畏名義而重犯法冀幾刑措之風以昭我祖宗好生之德子孫臣民其世世守之

順治十二年

諭禮部朕維帝王敷治文教是先臣子致君經術爲本自明末擾亂日尋干戈學問之道闕焉未講今天下漸定朕將興文教崇經術以開太平爾部卽傳諭直省學臣訓督士子凡理學道德經濟典故諸書務要研求淹貫博古通今明體則爲眞儒達用則爲良吏果有此等實學朕必不次簡拔重加任用又念先賢之訓仕優則學仍傳諭內外大小各官政事之暇亦須畱心學問俾德

業日修識見益廣佐朕右文之治特諭欽此

康熙十八年

上諭敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全善良誠匿逃以免株連完錢糧以省催科聯保甲以弭盜賊解讐忿以重身命

康熙二十五年

御製蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂

憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣巡省東國謁祀

闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟

堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載厯庭除式觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

康熙二十八年

顏會思孟
四子讚

韶州府志卷一

訓典

三

御製聖道早聞天資獨粹約禮博文不遷不貳一善服膺萬德來萃心齋坐忘其樂一致禮樂四代治法兼備用行舍藏王佐之器

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學

攸傳禹功作配

康熙四十一年

上諭國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談

取友親師悉化僞盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱倖脫褫扑濫竊章縫返之於衷甯無媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至

又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓茲訓言頒到爾
等務共體朕心恪遵明訓一切痛加改省爭自濯磨積
行勤學以圖上進國家三年登造束帛弓旌不特爾身
有榮卽爾祖父亦增光寵矣逢時得志甯俟他求哉若
仍視爲具文玩愒勿傲毀方躍冶暴棄自甘則是爾等
冥頑無知終不能率教也旣負栽培復干咎戾王章具
在朕亦不能爲爾等寬矣自茲以往內而國學外而直
省鄉校凡學臣師長皆有司鐸之責者並宜傳集諸生
多方董勸以副朕懷否則職業勿修咎亦難追勿謂朕
言之不預也爾多士尙敬聽之哉

康熙四十九年

諭戶部朕恭膺

天眷祇承

烈祖鴻庥統御萬方子育兆庶廩懷至治宵旰靡甯幸際
海宇同風邊隅嚮化遐邇中外帖然衽席之安者皆仰
荷

天地

祖宗福祐之所致也方朕八齡踐阼之初

太皇太后問朕何欲朕對臣無他欲惟願天下治安生民
樂業共享太平之福而已迄今五十年矣惓惓此心未
嘗一日少釋每思民爲邦本勤恤爲先政在養民蠲租

爲急數十年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次清釐外無師旅饗饋之煩內無工役興作之費因以歷年節損之儲蓄爲頻歲渙解之恩膏朕之蠲免履行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而生民所以未盡殷阜者良由承平旣久戶口日蕃地不加增產不增益日用不給理

有必然朕洞矚此隱時深軫念爰不靳敷仁用甦民力明年爲康熙五十年思再沛大恩以及吾民原欲將天下錢糧一概蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠旣經豁

免嗣後每年額徵錢糧務如數全完倘完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼切休戚者也誠克體朕孳孳保赤之懷實心愛養力杜侵牟朘削則閭閻咸得衣食滋殖無有失所而爲官吏者亦身名俱泰豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉欽此

雍正元年

上諭朕惟自古帝王皆以興賢育才爲務我國朝自

太祖

韶州府志卷一

訓典

七

太宗肇造鴻圖

世祖定鼎中夏首隆學校加意人才開國規模超越前古至我

皇考

聖祖仁皇帝御極六十一年培養教育怙冒涵濡深仁厚澤有加無已

御製訓飭士子文頒布學宮東西南朔海澨山陬戶習詩書家敦禮樂遐邇無不嚮風文教之隆莫過於此矣朕纘承大統遵守舊章寤寐求賢惟恐或失念學校爲士子進身之階督學一官尤人倫風化所繫遴選各省學臣倍加鄭重爾等須廉潔持身精勤集事實行文風兩

者所當並重若徒事文華而不敦崇實行猶未爲盡職也表揚忠孝節義崇祀先聖先賢訪求山林隱逸搜羅名蹟藏書而衡文一道專以理明學正典雅醇潔爲主古人云言乃心聲氣由夙養必士品端而後文風正他日爲國家柱石爲朝廟羽儀不綦重歟勿私納苞苴勿瞻徇情面勿輕視武途勿濫取祠蔭勿矯激沽名勿昏庸廢事勿卑汙貶節勿驕暴凌人胥吏必謹關防幕客尤宜選擇如此則內外交咨本末兼修上不負朝廷下不愧多士朕耳目所及必有見聞若罔顧聲名廉隅不飭國有常憲罰必隨之尙其勉旃毋忽特諭

國家幅幘廣大凡巖疆重鎮關塞要害之地設立總兵

俾之鎮守上承督臣之節制下樹將弁之表率輯兵安民厥任綦重居是官者當以甯謐地方爲念嚴飭官兵巡緝奸宄倘有匪類務必窮盡根株使宵小無從潛匿良民得以甯居若平時漫無覺察日久必致蔓延網繆未雨之謂何武臣雖不干民事然保障捍衛責有攸歸守此方卽當軫念此方之民毋得視之膜外縱兵肆擾至文武職任雖分盡心王事則一彼此和衷同心共濟自不致貽悞公事況揆文振武經術同源善於恤兵必善於愛民尙何至縱兵虐民失國家設兵衛民之意乎總兵統轄營汛甚多當以訓練爲先嫻騎射整隊伍備器械限期校閱勤惰嚴分賞罰明而軍政肅隱然一長

城矣所屬將弁兵丁智勇超羣則立登薦剡武藝精熟則特拔戎行以之鼓勵軍士猶有古良將風焉兵之所需糧餉最重給糧而扣剋則師旅有枵腹之憂缺兵而不則營伍有空虛之患總兵率先潔已嚴飭偏裨毋得久懸兵缺以恣侵漁毋得剋減額糧以肥囊橐則兵籍無虛士氣益奮有不收臂指之效者乎至於馭兵之道務在寬嚴得中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾上下一心忠義自奮此又在爾鎮臣之善爲運用者也仰惟

皇考垂誠提鎮諸臣有曰韜鈴宜裕紀律宜明拊循宜至

訓練宜精又曰文武輯睦毋相抗衡軍民調劑各得其

平煌煌

天語勒於箴規久矣爾等皆係

皇考簡畀之人果能實心力行不致始勤終怠上負

聖訓朕心嘉乃成績必懋錫殊典如其徒擁厚祿虛糜爾位既無益於兵民致有乖於令典國法森嚴朕不爾貸也特諭

爾等官厯僉司所以贊襄藩臬承流宣化者也分守分巡職居協理糧河鹽驛各有專司身居是官必顧名思義名者實之華也克副其實而後名歸焉如守巡兩道首當潔已惠民凡府州縣之廉潔貪污俱宜細加察訪

不時密詳督撫以憑舉劾地方有土豪武斷尤宜禁戢
剪除衛良鋤莠乃稱其實若但知趨承大吏或祇圖下
屬陋規一切吏治民生槩置不問貪庸陋劣殊負朝廷
設官之意矣糧道專理漕運職任匪輕使徒知起運規
例扣剋運費苦累運丁營私煩擾有玷官箴貽害百姓
何所底止河道有董率工程之責凡分修河員孰賢孰
否俱應洞晰並宜親身經歷查勘估計某 險峻某
平易某處堤工堅固某處冒支帑金倘不計虛實不辨
勤惰僅以納賄多者爲能員餽遺少者爲拙吏而於工
程漠不經意一遇坍塌誰之咎耶鹽道一官尤關國課
邇年鹽法弊竇叢生正項錢糧每多虧欠一由上下各

官需索商人巧立名色誅求無已窮商力竭不得不那
新補舊上虧國課高擡鹽價下累小民至於官鹽騰貴
貧民販賣私鹽捕役鬪毆株連人命流弊無窮一由商
人用度奢靡相仍陋俗不知節儉致欠額徵爾等運籌
鹽法宜將陋例積習盡情禁革必思何以甦商何以裕
課上供軍國下利閭閻方爲稱職驛道爲驛站錢糧所
係必廉潔自守乃克剔弊釐奸凡驛遞馬匹數目多寡
每有假冒開銷歲修船隻亦有虛浮不實該員一貪貲
貨勢必昏庸或過於苛覈勒索多方經管屬吏疲不能
支總之病官病民悉緣貪黷敬爾有官垂諸古訓靖共
爾位載在風詩爾等各守常職各守官方名實二字極

宜體認今以獻賂爲實虛譽爲名動云名實兼收內以欺已外以負國有靦面目其何以立身而抒忠盡乎
皇考御極六十餘年以軫恤民生爲首務各省道員必親加遴擢諄諄誡勉極其詳愼朕纘承大統翼翼小心惟

仰體

皇考愛養元元至意亦期爾等爭自濯磨振飭風憲以副朕望果能肅清綱紀無致廢弛朕當破格獎勵其或因循不改朕必置之重法特諭

朕惟國家兵制凡疆宇要地旣設提督總兵統率鎮守又設副將叅遊分列營伍遞相鈐轄蓋從古治兵有大帥必有偏裨所以宣揚威武協贊軍機收指臂之效奠磐

石之安也爾等所屬地形有險易兵數有多寡各宜預定練兵之法親校騎射嚴試技勇簡拔驍銳更換老羸務令一營士卒人材雄健武藝精嫻又時教以行陣使之步伐退進井然有法曰演月習氣壯心齊自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛爲害最大究其弊由於將弁之貪利而廢法一在冒虛糧而兵無實數一在剋月糧而兵有怨心上虧天家之糧餉下朘窮卒之脂膏身司戎務而不能廉正以服衆雖曰示訓練之法誰爲之踴躍用命乎爾等遇有兵丁空缺卽選力勇技精者補足隊伍至於馬步各糧按期領給不得剋減

分毫古之良將多以愛恤士卒克建膚功投醪挾纊之風爾等宜知嚮慕焉官軍之協守一方所以捍衛一方之百姓故曰設兵以衛民也防亂於未萌緝奸於已發俾居民安家樂業共享昇平自然受兵之利而不受兵之害倘或約束不嚴縱兵肆虐誘賭放債恃強奪利甚至地方小警漫不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法具在罪有攸歸至於爾等簡用督撫中軍責任匪輕尤宜潔已奉公恪遵法紀至都司守備千總地總等員各有城守汎防之責亦宜努力稱職自奮功名朕念爾等曾受

皇考選擇之恩自應保守前勞力圖後效果能整飭戎伍允著千城之望朕自不惜寵以崇階倘若廢墮武備侵漁糗芻甚且妄執武官不惜死之言恣意逞威虐民生事爲害於地方王法森嚴決難輕貸特諭

國家親民之官莫先於守令蓋州縣官與民最親而知府又與州縣官最親凡州縣興利除弊之事皆於知府有專責焉是知府一官分寄督撫監司之耳目而爲州牧縣令之表率承流於上宣化於下所繫綦重矣漢宣帝有曰大守吏民之本也又曰庶民所以安其田里而無歎息愁恨之心者政平訟理也與我共此者其惟良二千石乎故兩漢循良稱盛而賢守尤多龔黃召杜諸

人大都皆廉潔和平正身率屬以與民休養生息史稱其所居民富所去民思此皆彰明較著者也
皇考澄肅官方慎簡僚吏知府中有政績茂翼聲名著聞者必加優眷數年之間卽膺殊擢所以鼓勵循良務令羣黎受福爾等蒙

皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉正自持屏絕賄賂則督撫監司必不致肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能却遺金於暮夜又安能禁屬吏之濫征乎

盤查倉庫必須覈實不可視爲故事乃或借盤查之名勒索饋遺是因盤查而虧空愈甚矣爾能時勤勸誡加以體恤則州縣可無虧空之虞能制節謹度淡泊是安則爾亦可免虧空之累勸農課桑以厚風俗禁強戢暴以安善良平情聽斷以清獄訟皆爾職守之所當盡者至於督撫舉劾州縣必由爾之詳揭務須秉公持正勿涉偏私若善於逢迎者從而庇護薦拔之而端方恬靜之人反故爲摧抑下吏皆苟且營私以求容悅地方之事尚可問乎居官者每有初入仕途清操自矢漸登華要頓改初心旣知砥礪廉隅卽當始終一節更有巧於仕宦者人每謂其名實兼收朕最不解此語夫名者實

之華果能潔已愛民奉公盡職此所謂實也治行稱首
民歌輿頌此所謂名也實至而名隨之如本立而華茂
焉若以弋取虛譽爲名而以封殖多藏爲實此則小人
之尤更甚於貪黷彰聞之輩矣朕纘承大統夙夜祇懼
惟恐有負

皇考付託之重深冀爾等各體此意精白乃心以古循良
自勉若徇私納賄不能率屬愛民貽害地方蔑視憲典
三尺具在朕不能爲爾等寬也特諭

朕惟國家首重吏治爾州牧縣令乃親民之官吏治之始
基也貢賦獄訟爾實司之品秩雖卑職任綦重州縣官
賢則民先受其利州縣官不肖則民先受其害膺茲任

者當體朝廷惠養元元之意以愛民爲先務周察鄙屋
綏輯鄉里治行果有其實循卓自有其名非內聚賄而
外干譽謂之名實兼收也全省吏治如作室然督撫其
棟梁也司道其垣墉也州縣其基址也書曰民惟邦本
本固邦甯夫所以固邦本者在吏治而吏治之本在州
縣苟州縣之品行不端猶基不立則室不固庸有濟乎
皇考臨御六十一年灼知州縣之重特行引見咨詢明試
至詳至慎其有廉能之員每不次超擢以示鼓勵今海
內羣黎皆

皇考所懷保也朕膺

宗社重寄思纘

皇考之治功惟爾州縣諸臣具有父母斯民之責其爲朕立之基址以固邦本焉誠能潔已奉公實心盡職一州一縣之中興仁興讓教孝教忠物阜民安刑清訟簡朕將升之朝一用作股肱如或罔念民瘼恣意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾叅必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭

雍正元年

上諭禮部致治之要首在風化移風易俗莫先於鼓勵良善使人人知彝倫天則之爲重忠孝廉節之宜敦古帝

王勞來匡直所以納民於軌物者舍是無由也朝廷每
遇覃恩詔款內必有旌表孝義貞節之條實係鉅典邇
來直省大吏往往視爲具文並未廣諮遠訪祇將有力
之家囑託賂遺者漫憑郡縣監司之申詳卽爲題請建
坊而山村僻壤窮氓耕織之人或菽水養親天性篤孝
或柏舟矢志之死靡他鄉鄰嗟歎爲可欽而姓氏不傳
於城邑幽光湮鬱潛德消沈者何可勝數爾部卽着傳
諭督撫學政諸臣嗣後務期各屬搜羅虛公核詢確據
本人鄉評實蹟題奏旌獎勿以匹夫匹婦而輕爲沮抑
勿以富家巨族而濫爲表揚以副朕成俗化民實心彰
善至意特諭

雍正元年

上諭朕臨御以來宵旰憂勤凡有益於民生者無不廣爲
籌度因念國家承平日久生齒殷繁土地所出僅可贍
給偶遇荒歉民食維艱將來戶口日滋何以爲業惟開
墾一事於百姓最有裨益但向來開墾之弊自州縣以
至督撫俱需索陋規致墾荒之費浮於買價百姓畏縮
不前往往膏腴荒棄豈不可惜嗣後各省凡有可墾之
處聽民相度地宜自墾自報地方官不得勒索吏胥亦
不得阻撓至陞科之例水田仍以六年起科旱田以十
年起科著爲定例其府州縣官能勸諭百姓開墾地畝
多者准令議敘督撫大吏能督率各屬開墾地畝多者

亦准議敘務使野無曠土家給人足以副朕富民阜俗之意特諭

雍正二年

上諭人臣膺命効職果能實心愛民清白自矢則官去民思甘棠畱詠有愈久而不能忘者從古有之若今之生祠書院不知始自何人自督撫提鎮以及監司守令所在多有究其實不過官員在任之時或係下屬獻媚逢迎或地方紳衿有出入公門包攬詞訟之輩倡議糾合假公派費占地興工甚至園囿亭臺窮極華麗勞民傷財一無顧惜及其後或爲宴會遊玩之場或本官竟據爲產業考其年月則官員去任之後百姓追思而特爲

韶州府志卷一

訓典

十七

興造者甚少此事向曾禁止而踵弊如故當再爲嚴飭嗣後如有仍造生祠書院者或經告發或被糾叅卽將本官及爲首之人嚴加議處其現在之生祠書院如果係名宦去任之後民間追思蓋造者准其存畱其餘俱著地方官查明一概改爲別用或爲義學延師授徒以廣文教如此則以無用爲有用以惜民財力杜絕虛浮於地方風俗大有裨益等諭

雍正二年

諭書曰每歲孟春適人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖有模訓明徵定保萬世守之莫能易也朕纘承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行

久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視爲條教號令之虛文共勉爲謹身節用之庶人盡除夫浮薄囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

雍正二年

諭朕惟撫養元元之道足用爲先朕自臨御以來無刻不
廛念民依重農務本業已三令五申矣但我國家休養
生息數十年來戶口日繁而土田止有此數非率天下
農民竭力耕耘兼收倍獲欲家室盈甯必不可得周官
所載巡稼之官不一而足又有保介田畯曰在田間皆
爲課農設也今課農雖無專官然自督撫以下孰不兼
此任也其各督率有司悉心相勸並不時咨訪疾苦有
絲毫妨於農業者必爲除去仍於每鄉中擇一二老農
之勤勞作苦者優其獎賞以示鼓勵如此則農民知勸
而惰者可化爲勤矣再舍傍田畔以及荒山不可耕種
之處度量土宜種植樹木桑柘可以飼蠶棗栗可以佐

食柏桐可以資用卽榛楛雜木亦足以供炊爨其令有
司督率指畫課令種植仍嚴禁非時之斧斤牛羊之踐
踏奸徒之盜竊亦爲民利不小至孳養牲畜如北方之
羊南方之彘牧養如法乳字以時於生計不無裨益總
之小民至愚經營衣食非不迫切而於目前自然之利
反多忽畧所賴親民之官委曲周詳多方勸導庶使踴
躍爭先人力無遺而地利始盡不惟民生可厚風俗亦
可還醇爾督撫等官各體朕惓惓愛民之意實心奉行
倘視爲具文苟且塗飾或反以擾民則尤其不可也

雍正二年

諭社會之訖原以備荒歉不時之需用意良厚然往往行

之不善致滋煩擾官民俱受其累朕意以爲奉行之道宜緩不宜急宜勸諭百姓聽民便自爲之而不當以官法繩之也近聞各省漸行社倉之法貯蓄於豐年取資於儉歲俾民食有賴而荒歉無憂朕心深爲喜悅但因地利宜須從民便是在有司善爲倡導於前畱心照應於後使地方有社倉之益而無社倉之害此則爾督撫所當加意體察者也又民間輸納錢糧用自封投櫃法亦屬便民之道但偶有短少之處令其添補每致多索其數浮於所少之外理應將原銀發還仍於原封內照數補足交納庶可免多索之弊此雖細事督撫大吏亦不可不畱心體察嚴飭有司以除民累特諭

雍正二年

上諭沿海居民人等朕思天地之間惟此五行之理人得之以生全物得之以長養而主宰五行者不外夫陰陽陰陽者卽鬼神之謂也孔子言鬼神之德體物而不可遺豈神道設教哉蓋以鬼神之事卽天地之理故不可以偶忽也凡小而邱陵大而川岳莫不有神焉主之故當敬信而尊事况海爲四瀆之歸宿乎使以爲不足敬則堯舜之君何以柴望秩于山川文武之君何以懷柔百神及河喬嶽今愚民昧於此理往往淫祀而不信明神傲慢褻瀆致干天譴夫善人多而不善人少則天降之福卽稍有不善者亦蒙其庇不善人多而善人少則

天降之罰雖善者亦被其殃近者江南報上海崇明諸處海水泛濫浙江又報海甯海鹽平湖會稽等處海水衝決隄防致傷田禾朕痛切民隱憂心孔殷水患雖關乎數或亦由近海居民平日享安瀾之福絕不念神明庇護之力傲慢褻瀆者有之夫敬神固理所當然而趨福避禍之道卽在乎此能敬則謂之順天不敬則謂之褻天褻天之人顧可望綏甯之福乎詩曰敬天之怒無敢戲渝又曰畏天之威于時保之朕固當朝乾夕惕不遑甯處以敬承天意亦願爾百姓共凜此言內盡其心外盡其禮敬神如神在實以至誠昭事而不徒尙乎虛文人意卽神意一念之感格自足以致休祥豈獨一家

一鄉之被其澤哉爾百姓果能人人心存敬畏必獲永慶安瀾著該督撫將此諭旨令該地方官家諭戶曉俾沿海居民一體知悉特諭

雍正三年

諭周禮大小司寇之職以三典詰四方以五刑聽獄訟正歲帥其屬而觀刑象不用法者國有常刑月吉始和布刑於邦國都鄙乃懸刑象之法於象魏使萬民聚而觀之是知先王立法定制將以明示朝野俾官習之而能斷民知之而不犯所由息爭化俗而致於刑措也恭惟我

皇考聖祖仁皇帝大德如天以至仁涵育羣生法司上奏

率多全宥停刑肆赦屢沛

恩綸

臨御六十一年厚澤周浹乎宇內血氣心知之倫熙然安處於仁壽之域朕紹守丕圖深懷繼述雍正元年八月乃命諸臣將律例館舊所纂修未畢者遴簡西曹殫心蒐輯稿本進呈朕以是書民命攸關一句一字必親加省覽每與諸臣辨論商榷折中裁定或析異以歸同或刪繁而就約務期求造律之意輕重有權盡讞獄之情寬嚴得體三年八月編校告竣刊布內外永爲遵守易曰先王以明罰敕法漢鄭昌言律令一定愚民知所避奸吏無所施是書也豈惟百爾有位宜精思熟習悉其

韶州府志卷一

訓典

二十二

聰明以察小大之比凡士之注名吏部將膺民社之責者講明有素則臨民治事不假於幕客胥吏而判決有餘若自通都大邑至僻壤窮鄉所在州縣倣周禮布憲讀法之制時爲解說令父老子弟遞相告戒知畏法而重自愛如此則聽斷明於上牒訟息於下風俗可正禮讓可興於以體

皇考好生之德而追虞廷從欲之治不難矣朕實有厚望焉

雍正三年

諭治道莫尚於風化而節行實爲風化之首故旌揚盛典歷代崇之凡以闡幽光而彰至教也朕卽位以來拳拳

以敦教化勵風俗爲務恩詔中敕令旌表節義使苦寒守節之家均沾恩澤嗣又頒發諭旨至再至三誠欲地方有司加意採訪俾深山窮谷之中側微幽隱無一不大顯於斯世也但每見直省舉節俱係民間婦女而營伍中絕少夫海內營伍中其矢志勵操艱苦備嘗以完節行者斷不乏人而向來罕聞舉報豈以旌典例由生員具呈教官具結而教官生員與兵丁聲氣渺不相同無由眞知灼見故舉報寥寥耶朕於兵民一視同仁而兵之與民其秉彝好德之心濯磨激勸之道又未嘗有二營伍中節烈或竟湮沒不彰朕甚憫焉夫儒生與戎伍旣恐聲氣不接而風化之原要未有不起於學校者必如何而使兵民一體凡營伍中節行貞烈之婦女盡得舉報不致冒濫亦不致隱漏舉向來湮鬱未著之幽芳並邀國家旌揚之盛典著九卿等詳議具奏以副朕廣勵風節至意特諭

雍正三年九月二十二日

上諭古者視歲之上中爲儲蓄之節蓋官民經畫久遠不爲一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民依爲念乃重農積粟之詔屢下而閭閻卒少蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂

有飢色幾至流離若非多方賑恤窮民必至失所此皆
草野無知食不以時用不以禮但快目前之有餘罔計
異日之不足一遭旱澇追悔無從至於常平通倉原爲
備荒而設乃有司奉行不乃多致缺額罪何可逭茲據
江南浙江江西湖廣福建河南山西陝西廣東廣西雲
南貴州等省督撫報稱今歲秋成八九十分不等朕覽
奏不勝慰悅又重爲吾民計及長久宜及此時講求儲
蓄之道以備將來該督撫等可轉飭有司徧行曉諭務
須撙節愛惜各畱餘地預爲他時緩急之需社倉之法
亦宜趁此豐年努力行之勿但視爲虛文故事朕爲吾
民籌畫養贍之道惓惓於懷無時或釋而吾民自謀其
身家若但苟且因循不復長顧遠慮則重負朕軫念元
元之意矣至於州縣倉儲向有虧缺者若不趁此豐收
之時速行買補將來發覺斷不姑貸慎之慎之欽此

雍正四年

諭爲士者乃四民之首一方之望凡屬編氓皆遵之奉之
以爲讀聖賢之書列膠庠之選其所言所行俱可爲鄉
人法則也故必敦品勵學謹言慎行不愧端人正士然
後以聖賢詩書之道開示愚民則民必聽從其言服習
其教相率而歸於謹厚或小民偶有不善之事卽懷愧
恥之心相戒勿令某人知之如古人之往事則民風何
患不醇世道何患不復古耶朕觀今日之士子雖不乏

閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之士難以悉數彼爲民者見士子誦讀聖賢之書而行止尚且如此則必薄待讀書之人而並輕視聖賢之書矣士習不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣跡請行嚴懲者甚多朕思轉移化導之法當先端其本源教官者多士之儀型也學臣者教官之表率也教官

多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未醇也朕孜孜圖治欲四海之大萬民之衆皆向風而慕義革薄而從忠故特簡督學之臣慎重學臣之職欲使自上而下端本澄源以收實效也凡爲學臣者務使持公秉正宣揚風化於教官之稱職者卽加薦拔溺職者卽行叅革爲教官者訓誨上子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言

曰觀善行以生其感發之念風俗之不變庶幾其可望也特諭

雍正四年

諭朕覽戶部奏銷本章見恩詔內賞給老人一項直隸各省七十以上至百歲以上老民老婦共一百四十二萬一千六百二十五名賞給絹布等件價銀共八十九萬餘兩米一十六萬五千餘石等語凡此老人但就民人而言如仕宦紳士商賈僧道皆不入此數之內洪範以壽居五福之首而昔人稱七十爲古稀誠以壽爲難得而可貴也乃今日老人之多至於如此皆由我

皇考聖祖仁皇帝六十餘年以來深仁厚澤休養生息凡

山陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耄龐眉皓首之人至數百餘萬之多所謂老者以壽終幼孤得遂長者皆我

皇考之賜也從此益加培養日積月累則民間之享高年介眉壽者更不知如何之衆矣此等老人躬際昌明年登上壽大抵皆居心忠厚力行善事之人卽或有一二年少時未盡醇謹者亦必中年暮齒能自悔悟之人蓋一念修省卽荷上天福祐也是國家有培養之恩而由本人能修善以祇承之非倖而致之者也爾等百姓觀百年之盛事當歡忻鼓舞謹身修德以迓天庥父與父

言慈子與子言孝兄弟友恭夫婦和順比閭族黨之間相親相愛無詐無欺革薄從忠循分守法盡除乖戾之氣爲國家醇朴善良之民則天地佑善錫福長享遐年此必然之理也但生齒日盛食指繁多則謀生之計不可不講爾等百姓當重農桑以順天時勤開墾以盡地利務本業以戒遊惰謹蓋藏以裕久遠而且節省食用愛惜物力毋縱奢侈毋競紛華毋任意靡費以耗有用之財毋但顧目前而忘經久之計朕以勤儉先天下宮禁之中於食餘之物皆不忍棄必令人檢取收貯之數年以來所貯米粟已至數十石之多朕臨御萬方尙多方撙節愛養以爲加惠元元之本爾等小民安可縱口

腹之所欲而忘物力之艱難乎爾等誠能體朕諄諄訓誨之意敦善行則心體安務本計則俯仰足惜財用則家室裕人心和樂風俗醇美同爲壽考之人長享昇平之福豈非朕之所厚望哉著該部將朕此旨轉發直省督撫通行所屬郡邑鄉村咸使聞知特諭

雍正四年

上諭國家設學校以儲養人才鄉會廷試拔其尤者而用之卽古選士造士之遺意也但士子作文有一日之長短縱使主司公明搜羅豈能無遺況去取惟憑文藝其人品之高下才能之優絀無由得知每有出羣拔萃之才屢試不售卽或晚得一第而年力衰邁不堪爲國家

任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之士大省舉四五人小省二人送部引見朕親加考試酌量擢用現在報滿各學政卽遵照薦舉其到任未久者如有所知亦卽舉出夫一省而舉數士不可謂無人學政巡歷各府三年之久日與士子相親考文察行不得謂不知但能虛公衡鑑所舉必得其人且風聲所樹凡讀書士子必皆鼓舞振興力學敦行求爲有用之儒於士習人材大有裨益該學政其各實心奉行毋得苟且塞責如有徇私冒濫等弊必嚴加治罪特諭

雍正五年

韶州府志卷一

訓典

二十八

上諭自雍正二年以來朕躬耕藉田而耕藉田之中每歲必產嘉穀上年自雙穗至於九穗今歲則自雙穗至於十三穗在廷諸臣及京都耆庶皆驚訝以爲奇朕之宣示於衆者並非矜詡誇張以爲祥瑞蓋實有見於天人感召之理捷於影響而朕敬

天之心至誠至切願與內外大小臣工共勉之也稼穡爲天地之寶實生民之命攸關我

聖祖仁皇帝臨御六十餘年無刻不以重農力穡爲先務仰觀天時俯察地理辨土性而課人功資雨暘而防旱潦旰食宵衣偶遇雨澤愆期

聖心憂勞之切侍側臣子皆惶悚不甯所以爲萬民謀粒

食者至矣盡矣朕瞻仰目覩者四十餘年今纘承大統
竭誠效法念切民依每年虔祀

先農躬耕帝藉仰蒙

上天眷祐豐錫嘉禾信而可徵纖毫不爽是以特頒諭旨
令各省守土官共舉耕藉之禮爲萬方百姓祈禱秋成
今見各省督撫奏報前來處處風雨均調春麥秋禾並
登豐穩雖邊遠荒僻之地亦慶有秋惟直隸湖廣安徽
數州縣近水最低之處常年被潦者畧有侵注亦不爲
災是今歲可稱大有年矣朕感

上天之垂慈慶下民之受福而推求其故良由今年各省
初耕藉田各該有司自然小心敬慎齋祓虔誠是以感

韶州府志卷一

訓典

二十九

格

上蒼而獲此盈甯之錫倘從此益加敬謹不懈初心則歲
歲屢豐可以預必爾督撫等可通行曉諭所屬官民當
凜

帝鑒之匪遙勿視耕田爲故事永矢敬恪以迓

天和天下臣民受福斯朕之福也思之慎之毋忽朕言

雍正五年

諭近因考試新科進士以宋儒所云士人當有禮義廉恥
句爲論題諸進士試卷進呈朕躬自披覽見其文藝之
工拙優劣固有不同然大槩皆詞章記誦之常談見解
卑淺識量狹隘未能眞知題中之理蘊而實有發明蓋

所言止於儀文末節而已非禮義廉恥之大者也朕則謂古人言禮義廉恥國之四維者蓋以天下之大四海之衆皆範圍其中而不可須臾離而士人貴有禮義廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出人必謹此義之小者也以廉言之理財制用崇儉務本使天下之人家給人足路不拾遺盜賊不生爭

訟不作貪官污吏無以自容此廉之大者也簞食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不失言於人不失色於人此乃知恥之小者耳曾何足以盡有恥之道乎欲爲君盡君道欲爲臣盡臣道而其道曾不外禮義廉恥之四端士人者必當以天下爲己任其身卽爲臣之身而有致君之責者豈可徒知禮義廉恥之小節而不知禮義廉恥之大者乎夫禮義廉恥由一端之小者擴而充之皆可以保四海然必知其大者而務之自可不遺

於其小若或徒窺小節而不知其大則迂拘曲謹止圖檢束一身而不敢任天下之重此則細民之行而非士人之道也孔子曰人能宏道非道宏人其可不勉自奮立乎朕引見新科進士之時卽欲面加訓諭因天氣炎熱恐伊等暫時跪聽不能悉心領會今特詳爲宣示朕願與大小諸臣交相儆勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見也特諭

雍正五年

上諭制錢爲民間日用必需之物向來錢價甚昂民間深爲不便朕爲籌畫宵旰焦勞因思鼓鑄日增而錢文不

見其多必有銷燬制錢以爲器皿之事是以令京城與直隸各府及各省督撫駐劄之省城不許鑄造黃銅器皿凡有黃銅器皿者俱著交官照數給與價值無非欲錢文充裕俾小民有資生計之益而無乏用之苦也年來於京城內外屢次拏獲銷燬制錢之奸民而欽差官員於甘肅地方亦見有燬錢爲器者可見銅器若不嚴禁則燬錢之弊必不能除而錢文必不能裕錢價必不能平此其相因之情勢固有灼然不爽者京城現今奉行惟謹凡黃銅器皿俱已陸續交納給價乃聞各處省城並未設有收買銅器之公所與專司其事之官員則民間雖有銅器何從交納此皆各督撫怠忽因循並不

實心奉行之故也用是再頒諭旨著各省督撫設立公所於屬員中揀擇廉謹老成之人專司其事在司庫先撥數千金以爲價值嗣後陸續給發凡有交納銅器者按其解兩給以頒定價值不得絲毫扣剋亦不得以重秤合其虧折夫制錢爲日用之所不可缺而器皿則不必定用黃銅此理甚明此事易曉各省督撫果能將朕便民利用之至意諄切曉諭而又核實給以價值則民間之交納銅器者自必踴躍爭先矣著各督撫將所買銅器解兩每年歲底奏聞其所發價值報部奏銷倘委辦之員有侵蝕扣剋等弊督撫卽行題叅從重治罪直隸各府委官之處亦照此一體遵行特諭

雍正五年二月初三日

上諭自古帝王致治誠民莫不以重農爲首務書陳無逸先知稼穡之艱難詩載豳風備敘田家之力作論語云百姓足君孰與不足孟子云民事不可緩也蓋國以民爲本民以食爲天農事者帝王所以承天養人久安長治之本也我國家撫綏寰宇

聖祖仁皇帝臨御六十餘年深仁厚澤休養生息戶口日增生齒益繁而直省之內地不加廣近年以來各處皆有收成其被水歉收者不過州縣數處耳而米價遂覺漸貴閩廣之間頗有不敷之慮望濟於鄰省良由地土之所產如舊而民間之食指愈多所入不足以供所出

是以米少而價昂此亦理勢之必然者也夫米穀爲養命之寶人既賴之以生則當加意愛惜而不可存輕棄之心且資之者衆尤當隨時撙節而不可縱 腹之欲每人能省一勺在我不覺其少而積少成多便可多養數人若人人如此則所積豈不更多所養豈不更衆乎養生家以食少爲要訣固所以頤神養和亦所以節用惜福也况脾主於信習慣便成自然每見食少之人其精神氣體未嘗不壯此顯而可見者至於各省地土其不可以種植五穀之處則不妨種他物以取利其可以種植五穀之處則當視之如寶勤加墾治樹藝菽粟安可舍本而逐末棄膏腴之沃壤而變爲果木之場廢饔

殮之恆業以倖圖贏餘之利乎至於烟葉一種於生人日用毫無裨益而種植必擇肥饒善地尤爲妨農之甚者也小民較量錙銖且但顧目前而不爲久遠之計故當圖利之時若令其舍多取寡移重就輕必非其情之所願而地方官遽然繩之以法則勢有所難行轉滋紛擾惟在良有司勲勲懇懇諄切勸諭俾小民豁然醒悟知稼穡爲身命之所關非此不能生活而其他皆不足恃則羣情踴躍不待督課而皆盡力於南畝矣朕聞江南江西湖廣粵東數省有一歲再熟之稻風土如此而仍至於乏食者是地土之力有餘而播植之功不足豈非小民習於怠惰而有司之化導者有未至耶或者曰

米穀太多則價賤而難於糶賣昔人有穀賤傷農之說
諺語所謂熟荒者此則不必過慮假若小民勤於耕作
收穫豐盈至於價賤而難於出糶朕必多發官價以糶
買之使重農務本之良民獲利而有餘貲也朕生平愛
惜米穀每食之時雖顆粒不肯拋棄以朕玉食萬方豈
慮天庾之不給而所以如此撙節愛惜者實出於天性
自然之敬慎並不由於勉強且以米穀乃
上天所賜以生養萬民者朕爲天下生民主惟有敬謹寶
重仰冀
天心默祐雨暘時若歲獲有秋俾小民家有蓋藏人歌樂
土朕旣爲億萬生民計不敢輕忽

天貺爾等紳衿百姓獨不自爲一身一家之計乎朝夕生
養之需旣受

上天之賜若果加意愛惜隨時撙節則

天必頻加錫賚長享盈甯之福若恣情縱欲暴殄天物則
必上干

天怒不蒙眷賚而水旱災祲之事皆所不免其理豈或爽
哉又聞江西廣西地方竟有以米穀飼養豚豕者試思
穀食之與肉身孰重孰輕孰緩孰急而乃以

上天之所賜小民終歲勤苦之所獲者爲豢養物類之用
豈不干

天和而輕民命乎朕所以惓惓訓諭者惟期天下之人專

務本業以杜浮靡愛惜物力以圖久遠共體朕敬迓
天庥勤恤民隱之意則爾等家室必益至於豐饒爾等子
孫必永綿其福澤思之思之毋忽朕言著將此曉諭內
外官民人等並通行遠鄉僻壤咸使聞知欽此

雍正六年

諭覽福建巡撫常賚奏稱羅源縣孝子李盛山割肝救其
母病母病愈後李盛山傷重身故請加旌表部議以割
肝乃小民輕生愚孝向無旌表之例應不准行朕念割
肝療疾事雖不經而其迫切救母之心實難得而可憫
已加恩准其旌表矣嘗讀韓愈之文曰母疾則止於烹
粉藥石以爲事未聞毀傷肢體以爲養苟不傷於義則
聖賢當先衆而爲之矣又讀朱子書曰割股固自不是
若誠心爲之不求人知亦庶幾今乃有以此要譽者是
先儒論及此者屢矣本朝順治年間定例割股或致傷
生臥冰或致凍死恐民倣倣不准旌表伏思我

世祖章皇帝

聖祖仁皇帝臨御萬方立教明倫與人爲善而於此例愼
予旌表者誠乃天地好生之盛心聖人覺世之至道視
人命爲至重不可以愚昧而誤戕念孝道爲至宏不可
以毀傷爲正理立法垂訓實有深意存焉但向來地方
有司未嘗以聖賢經常之道與國家愛養之心明白曉
諭開導編氓是以愚夫愚婦救親而捐軀殉夫而殞命

者往往有之既有其事若不予以旌表恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見

聖祖仁皇帝哀矜下民之

聖心固如是之周詳而委曲也孝經曰身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至偶有疾病尙以爲憂設有不肖忤逆之子父母且恕而矜之其純孝之子而父母之憐愛又當如何也豈有以己身患

病之故割其子之肝肉充飲饌而和湯藥其父母之心斷無不警憂慘惕不安之理也若因此而至於傷生又豈父母所忍聞者乎夫父母有疾固人子所當盡心竭力之時而孝道多端實不容効命捐軀於一節孔子曰生事之以禮死葬之以禮祭之以禮是人生孺慕之誠原通百年而無間者也人子一身承先啟後負荷甚鉅若舍生殞命於倉卒之間而忘宗祀繼續之重恐非所以爲孝也況人子於親本乎天性倘能盡至誠純孝之實則親病雖篤呼籲請禱力省一身之過誓願爲一正人如此必能感天地動鬼神何須割肝剖股以爲回生之良劑乎家庭之行惟在至誠至敬善體親心不必以

驚世駭俗之爲著奇於日用倫常之外也至若婦人從一之義醮而不改乃天下之正道而其間節婦烈婦亦有不同者烈婦以死殉夫慷慨相從於地下固爲人所難能然烈婦難而節婦尤難蓋從死者取決於一時而守貞者必歷夫永久從死者致命而遂已而守貞者備嘗其艱難且烈婦之殉節捐軀其間情事亦有不同者或迫於貧窶而寡自全之計或出於憤激而不暇爲日後之思不知夫亡之後婦職之當盡者更多上有翁姑則當奉養以代爲子之道下有後嗣則當教育以代爲父之道他如修治蘋蘩經理家業其事難以悉數安得以一死畢其責乎是以節婦之旌表載在典章而烈婦

不在定例之內者誠以烈婦捐生與割肝剖股之愚孝其事相類假若倣倣者多則戕生者衆爲上者之所不忍也向來未曾通行曉諭朕今特頒諭旨著地方有司廣爲宣布務期僻壤荒村家喻戶曉俾愚民咸知孝子節婦之自有常道可行而保全生命之爲正理則倫常之地皆合中庸不負國家教養矜全之德矣倘訓諭之後仍有不愛軀命蹈於危亡者朕亦不槩加旌表以成閭閻激烈之風長愚民輕生之習思之思之特諭

雍正六年

諭凡官員有蒞民之責其語言必使人人共曉然後可以通達民情熟悉地方事宜而辦理無悞是以古者六書

之制必使諧聲會意嫻習語音皆所以成遵道之風著同文之治也朕每引見大小臣工凡陳奏履歷之時惟有福建廣東兩省之人仍係鄉音不可通曉夫伊等以現登仕籍之人經赴部演禮之後其敷奏對揚尙有不可通曉之語則赴任他省又安能於宣讀訓諭審斷詞訟皆歷歷清楚使小民共知而共解乎官民上下語言不通必致吏胥從中代爲傳達於是添飾假借百弊叢生而事理之貽悞者多矣且此兩省之人其語言旣皆不可通曉不但伊等歷任他省不能深悉下民之情卽伊等身爲編氓亦必不能明白官府之意是上下之情捍格不通其爲不便實甚但語音自幼習成驟難改易必其徐加訓導庶幾歷久可通應令福建廣東兩省督撫轉飭所屬各府州縣有司及教官遍爲傳示多方教導務期語言明白使人通曉不得仍前習爲鄉音則伊等將來引見殿陛奏對可得詳明而出仕地方民情亦易於通達矣特諭

雍正六年十一月二十八日

上諭據編纂一統志總裁官大學士蔣廷錫等奏稱本朝名宦人物各省志書旣多缺略卽有采錄又不無冒濫必得詳查確核采其行義事跡卓然可傳者方足以勵俗維風信今傳後請勅諭各該督撫將本省名宦鄉賢孝子節婦一應事實詳細查核無闕無濫務於一年之

內保送到館以便細加核實詳慎增載等語朕惟志書與史傳相表裏其登載一代名宦人物較之山川風土尤爲緊要必詳細確查慎重采錄至公至當使偉績懿行逾久彌光乃稱不朽盛事今若以一年爲期恐時日太促或不免草率從事卽如李紱修廣西通志率意徇情瞻顧桑梓將江西仕粵之人不論優劣概行濫入遠近之人皆傳爲談笑如此志書豈堪垂世著各省督撫將本省通志重加修輯務期考據詳明采摭精當旣無闕略亦無冒濫以成完善之書如一年未能竣事或寬至二三年內纂成具奏如所纂之書果能精詳公當而又速成著將督撫等官俱交部議敘倘時日旣延而所纂之書又草率濫略或至有如李紱之徇情率意者亦卽從重處分至於書中各項分類條目仍照例排纂其本朝人物一項著照所請將各省所有名宦鄉賢孝子節婦一應事實卽詳查確實先行彙送一統志館以便增輯成書欽此

雍正七年

諭游惰之民自昔治天下之所深惡若好爲賭博之人又不止於游惰而已荒棄本業廢盡家貲品行曰卽於卑污心術曰趨於貪話父習之則無以訓其子主習之則無以制其奴鬪毆由此而生爭訟由此起盜賊由此而多匪類由此而聚其爲人心風俗之害誠不可以悉

數也大凡爲不善之事者雖干犯功令猶可得微利於一時而獨至賭博則今日之所得明日卽未必能保若合一年數月而計之勝者與負者同歸于盡此天下人所共知者而無如邪僻之人一入其中卽迷而不悟且甘爲下賤而不辭者大可悲矣數年以來屢隆諭旨嚴禁而此風尙未止息者則以製造賭具之尙有其人而有司之禁約未曾盡力也百工技藝之事可以獲利營生者何事不可爲而乃違條犯法製此壞風俗惑人心之具其罪尙可言乎嘗思賭博之風所以盛行者父兄爲之子弟見而倣之家主爲之奴僕在傍見而倣之甚至婦人女子亦沈溺其中而不以爲怪總因習此者多

故從風而靡者衆也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司有化民成俗之責而乃悠悠忽忽視爲平常安辭溺職之咎今特定本地官員勸懲之法以清其源嗣後拿獲賭博必窮究賭具之所由來其製造賭具之家果審明確有証據出於某縣將某縣知縣照溺職例革職知府革職畱任督撫司道等官各降一級畱任如本地有私造賭具之家而該縣能緝獲懲治者著加二級知府著加一級督撫司道等官著紀錄二次將此勸懲之法永著爲例於雍正庚戌年爲始著該督撫通行曉諭使城邑鄉村

及遠陬僻壤咸使聞知特諭

雍正八年

召見知府談九敘王士任

上面諭曰知府一官有承上率下之責關係吏治民生最爲緊要爾等勿將此席視爲傳舍但務逢迎上司以圖陞遷爲榮身之計做此一官須盡一官之職居官一日當盡一日之心果能察吏安民實盡其道便終身不得遷轉亦足留名譽於將來若一味請托鑽營希圖保薦縱一時倖獲寸進而遺臭無窮公論難免何能掩人之耳目哉況近來知府無難做之處上司俱不收規禮節禮若果實心盡職不患薦舉之不同卽如刑名事件知府尤爲上下關鍵務期明允公當地方始無冤民不可聽屬員懇求亦不可畏上司駁詰而草率苟且以致訟獄顛倒下結民怒上千

天和至於催科一節固有考成若果遇有水旱災荒自當據實申詳加意撫恤不可隱匿以圖省事亦不可捏報以滋弊端夫寬大惠愛者乃爲政之要道朕非令爾等嚴厲苛刻以從事也但古人云養稂莠者傷禾稼惠奸宄者賊良民若保全貪官污吏以博長厚之名縱容地棍土豪以沽安靜之譽此所謂婦人之仁大有害於人心吏治古昔聖賢言之詳矣不待朕諭而後知之也沽名邀譽者乃居官之大患大凡在任時使耆民鄉約貼

德政之歌謠離任時令豪紳劣衿具保留之呈牒此皆非真正好官也惟在任之曰亦不覺其好而去任之曰紳衿百姓思之不置念之不忘愈久而愈切斯則不愧古之循良矣知府與知縣不同知縣爲一邑之宰果能殫竭心力使四境之內民人樂業便是良有司至於知府則有統轄屬員之職若各屬之內有一人居官不善在知府分內卽爲一分曠職不可云潔已謹守遂可無忝黃堂之任也天下人才難得當存愛惜之心若果善於鼓舞教導則中材皆可進於高明倘過於苛刻摧殘則因細故微瑕而致干放廢終身者不少矣總之遇好官則當愛重保護之遇中材則當勸導扶掖之遇劣員

則當懲治罷黜之以爾等自己教訓子弟之公心督課屬員而屬員有不觀感興起者無此情理也況天下官員百姓各具天良無不可感化之人如曾靜之兇惡性成古今罕有其比者朕尚且感發其愧悔之念則知信及豚魚古人之言不我欺也爾等居官惟有至誠至敬實心實政自然屬吏承風羣黎嚮化和氣致祥

上天必賜之以福慶矣至於叅罰案件外官必不能免朕從不肯以情有可原之案廢棄賢員常有因公叅處之州縣官朕見其人才可用而逾格加恩遷擢者爾等勿存見小之念顧惜功名局於庸衆之規模而無遠大之器量也爾談九敘朕看來才具平常因爾曾任知府七

年諸事熟練亦無過犯是以復加簡用大凡曾經歷練之人若以其巧滑之習和光同塵盜名欺世此等之人實爲國家之蠹若出其素所閱歷者以察吏安民誠心供職較之初入仕途之人大相逕庭實爲國家之寶爲蠹爲寶在汝自擇之爾王士任朕看來甚是聰明從前高其倬曾在朕前陳奏今史貽直特行保舉爾須努力上進不可自恃聰明將來可望成就勉之勉之并將此通行宣諭天下之爲知府爲直隸知州者

雍正八年

諭收令爲親民之官一人之賢否關係萬姓之休戚故自古以來慎重其選而朕之廣攬旁求訓勉告誡冀其奏

循良之績以惠我烝黎者亦備極苦心矣惟是地方事務皆發端於州縣頭緒紛繁情僞百出而膺斯任者類皆初登仕籍之人未練習於平時而欲措施於一旦無怪乎徬徨瞻顧心志茫然卽採訪咨詢而告之者未必其盡言無隱此古人所以有學製美錦之歎也向以大學士朱輕左都御史沈近思外任多年周知地方利弊雍正二年曾令二臣商著規則以爲州縣之南車乃書未就緒而沈近思物故邇年以來朱輕復時多病此事遂至遲延去年始降旨委諸總督田文鏡李衛今二臣各抒所見繕錄諸條以進朕親加披覽見其條理詳明言詞剴切民情吏習罔不兼該大綱細目莫不備舉誠

新進之津梁庶百官之模範也在二臣各就其所閱歷者而言繁簡同異之間不必一致而慎守官方勤恤民隱興利除害易俗移風其大旨則一而已矣爰就本文付之劄劂頒賜州縣官各一帙俾置之几案間朝夕觀覽省察提撕治效未臻必思所以勉之弊端未革必思所以去之本之以實心行之以實力毋始勤而終怠毋靜言而庸違如此則不但國家得司牧之賢草野有父母之頌而爾等身膺顯擢叨被榮光福貽子孫名標史冊豈不美歟特諭

雍正八年

諭民間借貸一事所以通彼此之有無濟一時之緩急意

本善也乃有貪利營私之徒往往乘人匱乏勒索重利如借貸米穀則不但加三起息竟有加五或多至加倍者小民偶爾窘迫止顧目前及禾稼登場終歲辛苦之所獲不能復爲己有雖豐潤之歲僅足供償債之需一遇歉收之年則束手無策必致息上起息累年不能楚結且貽累於子孫而挾貲射利乘急多取者視爲固然全無矜憐憫惜之意貪饕爲性澆薄成風此亦世道人心之患也夫緩急亦人所有周禮三物六行孝友睦婣而繼以任恤蓋儕類里黨有急則相倚任有困則相賑恤此鄉鄰風俗之美王化所先而其人以仁厚居心亦所以長享福澤於勿替此卽仰邀

天地神明賜祐休徵之根本也從來窮通貧富境遇不常
幸而富貴有餘是

天之待我獨厚則富思濟人利物恤災扶困以廣行善事
仰答

天恩若以

天之厚我者持以爲剝削貧人之具不但

上天監臨必加譴責卽返之於心亦忍爲之乎凡屬貪鄙
之人利令智昏以爲如此可以致富獨不思貧富有一
定之數善惡有不爽之報假令爲富不仁者皆得擁厚
貲以長子孫則樂善好施者必致匱乏終身矣自古迄
今有此天理乎嘗見不義之財得之若易乃享受未久

或耗於意外之災患或敗於不肖之後人是知刻薄之
行損人適以自損仁厚之風利人還以自利也此種盤
算薄惡之俗若不曉諭化導遽以官法繩之恐轉阻其
借貸之路非所以爲便於窮民故特將天道好還循環
往復之道委曲詳明覺悟貪夫薄夫而啟其良心杜其
敝俗凡有借貸錢銀米穀者加二加三起息尚屬情理
可行若太多則誠爲富不仁矣著地方有司將天理人
心時時訓諭所屬之人以化其殘忍刻薄之習倘勸導
既久如下愚頑惡之性不移尚有爲富不仁重利盤放
者則訪確一二人加以懲治以儆其餘如此庶惡習可
以轉移貪風可以止息也如有無藉棍徒因朕此勸導

之訓諭或借端圖賴或生事強借以擾害良善溫飽之家者尤當加以重懲不可寬貸但全賴地方有司奉行勸導之公當勤誠也特諭

乾隆七年

上諭內閣各省州縣考試童生乃士子進身之始文武雖有殊途各宜秉禮自愛以敦士風朕聞粵東學尚澆漓每遇生童齊集考試之時或赴攤鋪短價強買什物或與市人扭結稟官稍不遂意卽恃衆囂喧挾制罷考地方有司視以爲常每多寬縱今聞得高州府石城縣本年五月間考試文武生童有武童李之萊赴考被蒙姓民人拾去馬箭一枝比時稟知縣令已諭典史查追給

還而諸生以知縣不能立刻拘責洩忿於本日上燈時乘縣署月臺下失火遂有武生林翰芝武童林翰權及李芬源等擁至宅門攫取衣服錢文而散現據該地方官查究尚未結案又聞電白縣考試武童外場因馬道擁擠喝逐閒人有武生扭役毆打之事又右翼鎮親赴教場操演有武生不衣不冠雜入衆中擁攬馬道驅令遠立遂毆打兵丁肆行詈罵似此身列宮牆不遵禮教轉恃青衿以爲抗法橫行之具士習如此風俗何由而醇此皆地方大小官員及學政教官平時不能化導之所致用是特頒諭旨著該督撫學政等董率有司教官嚴切訓諭務令士子等洗心滌慮痛改前非倘冥頑不

靈仍不率教卽按律懲治不稍寬貸如官員等有徇隱姑縱者一經查出定行分別處分

乾隆十年

上諭國家設制科取士首重者在四書文蓋以六經精微盡于四子書設非讀書窮理篤志潛心而欲握管揮毫發先聖之義蘊不大相逕庭耶我

皇考有清真雅正之訓朕題貢院詩云言孔孟言大是難乃古今之通論非一人之臆說也近今士子或故爲艱深語或矜爲俳儷辭爭長角勝風檐鎖院中偶有得售彼此仿倣爲奪幟爭標良技不知文風日下文品益卑有關國家掄才鉅典非細故也夫古人論文以渾金璞

韶州府志卷一

訓典

四十七

玉不雕不琢爲比未有穿鑿支離可以傳世行遠者至於詩賦揆藻敷華雖不免組織渲染然亦必有真氣貫乎其中乃爲佳作今于四書文採掇辭華以示淹博不啻于孔孟立言本意相去萬里矣先正具在罔識遵從習俗難化職此之由嗣自今其令各省督學諸臣時時訓飭鄉會考官加意區擇凡有乖于先輩大家理法者擯棄勿錄則詭遇之習可息士風還醇朕有厚望焉

乾隆十一年

上諭軍機大臣等準奏奏太平關徵收貨稅內有則例未載比照徵輸者有因貨物貴重酌加細料者有因則例稍重量從輕減者歷任相沿商民悅服若概爲改照舊

例均有未便請仍照現在之數徵收一摺經部按冊查對其量增量減之處尙屬合宜惟比照徵收各條如珍珠玉器等貨比照湖綢例徵收之處均屬未協議令該撫準泰會同總督策楞另行酌議造冊具題等語該部所議是夫比例徵收原因例無正條酌量貨物貴賤以比較彼價值相等始可比照今珍珠玉器貴重等貨非湖綢可比準泰豈不知之乃如此比擬徵收輕重不倫或係準泰未經細心查察或係胥吏蒙混借此行私均未可定爾等可傳諭準泰令其畱心查辦

乾隆十一年

上諭內閣據廣東巡撫準泰奏報韶州府屬之曲江仁化

韶州府志卷一

訓典

四十八

英德乳源等縣因大雨水發有被衝田畝圍基房舍之處民間有傾壓淹斃者定例夏災止有借貸口糧籽種未及賑恤之條等語朕心深爲軫念著將實在乏食貧民給與一月 糧所有沙壓田畝倒塌房屋及淹斃人口令該撫查明俱著加恩分別撫恤其被災稍輕應須借給口糧籽種者卽行借給秋後免息還倉俾被水民人均霑實惠無致失所

乾隆二十九年

上諭內閣蘇昌等奏韶州府等屬先後間有被水之處惟英德縣地方兩次被淹情形較重現在照例撫恤等語該處城鄉被水雖屬一隅偏災但兩經山水漲漫田廬

多有淹損無力貧民口食維艱著加恩將英德縣酌賑一月 糧俾資餬 該督撫等其董飭所屬實心經理副朕加惠貧黎至意

乾隆三十六年

上諭內閣前此普免天下錢糧曾將廣東省廣韶等府州屬應徵官租及屯田曠軍餘羨等項銀錢米石及應徵學租銀兩蠲免十分之一今普免直省正供辛卯年屆該省輪免之期著加恩仍照上次將應徵官租等項蠲免十分之一俾邊海農民均霑愷澤

嘉慶十四年

御製義利辨義利者何公私之別耳易曰乾始能以美利

利天下不言所利大矣哉當取之利必合於義未嘗不可以語人公之謂也背義而取之利害必隨之故不可以語人私之謂也公即天理私即人欲存心天理必不妄取若徇人欲必至敗度所謂博施濟衆與天下之人同天下之利富有四海澤被八方豈損上益下哉實自益耳若橫征暴斂聚財積貨圖目前有限之歡娛貽身後無窮之大患豈損下益上哉乃自損耳君道如是臣節亦同事君以敬爲先爲政以廉爲本順理而行屏除物欲知足不辱知止不殆違義之利絲毫不染既非悖入之財斷無悖出之事誠全身遠害之大猷福延子孫名煥簡冊賢臣之所願也好貨財者自有肺腸逞其貪

心縱欲徇利不顧不義罔恤國家親其所不親爲人所
不爲卒至惡積日深禍由自作身被刑戮妻子流離無
一倖免良可悲夫總由不辨義利不辨公私不明理欲
不顧是非之所致也財散民聚重義而輕利也公天下
之大道堯舜禹湯政之大端也財聚民散見利而忘義
也徇一己之私欲桀紂赧獻失國之大略也無遠慮必
有近憂圖大利終憂大害君臣同應儆戒上下交相勸
勉庶幾朝無佞臣郡少貪吏民鮮攘竊戶有蓋藏將見
政簡刑清風醇俗美我君臣期共勉之繫以銘曰
識見母小心志勿馳大智不惑大勇不移錙銖較量堪
憫愚癡視財而寶惡因日滋水滿必決貨積禍隨日中
俗臻皞熙百工弼亮成此銘詞

道光二十二年

御製敬闡

聖諭廣訓黜異端以崇正學文惟天生民異質同性畀以
五常統乎百行自聖及凡無邪有正本體旣明趨向乃
定惟聖覺世振頑啟愚防以刑政迪以詩書雷霆儆戶
日月照衢提撕引掖惟善之驅緬思古昔俗美化醇豆
觴知義箕帚劬倫以忠於上以孝於親里因仁美鄰以
德薰蓋惟先民正學是尙戶謹師承家遵蒙養行不履

邪言不涉妄聖教旣昌皇風斯暢聿有二氏曰老曰釋
老主清淨鐸宗寂滅爲教雖殊其指則一今之異端乃
襲其說嗟彼異端何獨非民不知父子不知君臣若飲
狂藥如墮迷津離經畔道與匪爲鄰匪之不除邪說競
作僞托師巫妄言禍福結會傳徒糾盟黨惡使我良民
受其愚惑惟民之愚見異思遷謂可成佛謂可昇仙教
之不悟信之愈堅不惜軀命無論金錢嗟爾之軀生自
父母望爾承先待爾啟後達固爲榮窮亦可守奈何不
肖受其脅誘嗟爾之財辛苦所餘累非朝夕積自錙銖
衣食所賴緩急是需奈何被惑罄其蓄儲今爲爾告爾
其敬聽自來百邪不敵一正見睨雪消遇霜草賀身敗

名隳曾不轉瞬不見異端男女同室廉恥道亡綱常理
息如彼禽獸豈容天曰一旦伏誅悔之無及不見異端
茹素念經愚我黔首亂我儒衿生爲民蠹死受國刑殃
禍不救祈祝無靈不見異端創立名號敢肆講張自外
覆燾剪鴟于林磔鼠在道曾不崇朝首領莫保前車可
鑒覆擊當思何習其教更拜爲師念此蠢蠢哀我蚩蚩
狂瀾不返疇其拯之乃飭疆吏乃命守土爲爾去莠爲
爾除蠹殄此虺蛇投彼豺虎一警迷塗同歸覺路自今
庶民各守爾義農服耕耘土修孝弟商阜其財工勤其
藝莫作非爲永保勿替更告爾兵武藝爲先冠不在美
衣不在鮮武勇旣備禮讓並嫻毋蹈非分永守勿愆矧

今盛世何生不育化及昆蟲澤被草木飽煖有資俯仰
具足幸生其時太平可樂勿干國憲勿犯王章各安本
務共享平康秋田息蜡春社烹羊人其永壽天亦降祥

道光三十年正月二十六日

登極恩詔

奉

天承運

皇帝詔曰我大清篤承

天眷粵自

太祖

太宗肇造丕基

韶州府志卷一

訓典

五十二

世祖統一函夏

聖祖

世宗

高宗

仁宗德盛化神重熙累洽我

皇考大行皇帝臨御天下三十年宵衣旰食致治勤求熙

績釐工朝廷祇肅

深恩厚澤洽於寰區用是中外乂安羣黎蒙福方期景錄

延洪永膺多祜詎意正月十四日

諭立朕爲皇太子甫經半日

龍馭遽升卽以神器屬於藐躬朕自維薄德深懼弗勝顧

念

列聖詒謀

皇考付託天位不可久虛勉抑哀忱恪遵

成命於正月二十六日祇告

天

地

宗廟

社稷卽皇帝位以明年爲咸豐元年仰紹

前徽撫衷寅惕際茲新綸之布用推錫類之恩所有應行

事宜條列於左

一在京在外諸王以下至公等以上俱加恩賜

韶州府志卷一

訓典

五十三

一內外自公主以下至格格各加恩賜

一內外滿漢文武大小官員俱加一級

一內外大小各官除各以現在品級已得封贈外

凡陞級及改任者著照新銜封贈

一文官在京四品以上在外二品以上武官在京

在外二品以上照現任品級各廕一子入監讀

書

一內外文職自四品以下武職自三品以下降革

留任及住俸處分准其開復

一會試額數俟禮部臨期奏明人數請旨酌量廣

額鄉試大省加三十名次省加二十名小省加

十名滿洲蒙古加六名漢軍加三名

一各直省入學額數大學加七名中學加五名小學加三名

一國子監貢監生及各官學教習免坐監一月

一各直省儒學無論府州縣衛俱於本年以正貢作恩貢次貢作歲貢

一每府州縣衛各舉孝廉方正暫賜以六品頂戴榮身以備詔用務期採訪真確毋得濫舉

一
歷代帝王陵寢

孔子闕里及五嶽四瀆等祀應遣官致祭者照舊例

韶州府志卷一

訓典

五十四

行

一官吏兵民人等有犯除謀反叛逆子孫謀殺祖父母父母內亂妻妾殺夫奴婢殺家長一家非死罪三人採生折割人謀殺故殺真正人命蠱毒魘魅毒藥殺人強盜妖言十惡等真正死罪不赦外軍務獲罪隱匿逃人亦不赦外其餘自道光三十年正月二十六日以前已發覺未發覺已結未結者咸赦除之有以赦前事告訐者以其罪罪之

一各省軍流人犯查明到配三年實在安靜守法及年逾七十者釋放回籍

一各旗籍內務府及五旗包衣人等凡侵貪挪移一切賠罰應追銀兩實係本人家產盡絕者查明准予豁免其分賠代賠以及牽連著賠者一概豁免

一凡官員因公賠罰等項而其子孫又代祖父著賠者查明豁免

一旗營官兵有因出征及被災借支俸餉者免其扣還

一滿漢兵丁有曾經効力行間因被傷年老閒住者除例得優卹外查明酌加恩賚

一各直省有同堂五世及親見七代者除例賞匾

額外查明各加恩賚

一天下之本農爲重各府州縣衛果有勤於耕種務本力作者地方官不時加獎以示鼓勵

一除五旗包衣佐領下披甲人等不賞外八旗滿洲蒙古漢軍護軍披甲人礮手步軍各賞一月

錢糧

一軍民年七十以上者許一丁侍養免其雜派差役八十以上者給與九品頂帶九十以上者給與八品頂帶百歲以上者給與七品頂帶一百二十歲以上者給與六品頂帶百歲至一百二十歲以上者均仍題明給與建坊銀兩

一各處養濟院所所有鰥寡孤獨及殘疾無告之人
有司畱心以時養贍無致失所

於戲膺茲繼體用惠錫於垓埏弼予仔肩式撫綏夫兆
庶諸王文武大小臣工其各抒忠悃翊贊鴻猷以昭我
國家億萬年無疆之祜布告天下咸使聞知

咸豐十年正月初一日奉

天承運

皇帝詔曰朕不纘

鴻圖誕膺

寶命仰荷

上蒼篤眷

韶州府志卷一

訓典

五十六

列聖詒謀臨御以來於今十載萬幾兢業百爾欽承開言
路以達聰舉賢才以輔治勵一心之寅畏戒三事之因
循在宥羣生遇偏灾而頻蠲正賦勤求上理斷疑獄而
益慎祥刑乃曰敬之衷常存夙夜而時雍之化未徧寰
區命將專征秉大公以行賞罰養兵籌餉出左藏以拯
黎元勞旋帥於畿南早聞奏凱試師于江上遲覩銷
兵飛鴉未變夫好音罄雁難期其安集披章宵旰決策
焦勞今歲六月令辰爲朕三旬慶節方冰淵之自惕奚
岡阜之侈陳惟念臣民共效饗軒允宜中外覃敷膏澤
既先開夫蒞榜嘉惠儒林更特沛夫綸章推恩寰海乘
春錫福予一人上迓

天庥率土臚歡俾萬姓同登壽寓所有應行事宜開列於後

一 五嶽四瀆等祀應遣官致祭者著察例舉行

一

歷代帝王陵寢

先師孔子闕里應遣官致祭著察例舉行

一 國子監貢監生及各官學教習免坐監期一月

一 各省儒學以正貢作恩貢以次貢作歲貢

一 滿漢孝子順孫義夫節婦該管官細加諮訪確具事實奏交禮部核實旌表

一 自王以下至八八分公俱加紀錄四次

韶州府志卷一

訓典

五十七

一 宗室覺羅俱賞養贍銀一月

一 滿漢大臣年六十以上者俱加紀錄二次

一 內外滿漢文武各官俱加一級

一 內外大小各官除各以現在品級已得封贈外凡升級及改任著照新銜封贈

一 八旗滿洲蒙古漢軍兵丁及內扎薩克喀爾喀等蒙古年七十八九十以上者分別賞賚至百歲者題明旌表

一 軍民年七十以上者許一丁侍養免其雜派差役八十以上者給與絹一疋綿一斤米一石肉十斤九十以上者倍之至百歲者題明旌表

一直省有坍沒田地其虛糧仍相沿追納者該地方官查明咨部奏請豁免

一從前各省偏災地方所有借給貧民籽種 糧牛具等項查明實係力不能完者著予豁免
一各處養濟院所有鰥寡孤獨及殘疾無告之人有司留心以時養贍毋致失所

一內外官員有因公誥誤降革留任者該部查明奏請開復

一各省軍流以下人犯俱著減等發落

一各省監禁人犯著將上年秋朝審緩決至三次各犯仍照節次查辦之例查明所犯情節分別

韶州府志卷一

訓典

五十八

減等發落其緩決一二次人犯內有案情本輕可予矜原者亦著該部查明請旨定奪

於戲物阜年康雨暘若而撫時茂對定功保大民人宜而受祿延釐布告天下咸使聞知

咸豐十一年十月初九日

登極恩詔

奉

天承運

皇帝詔曰我大清仰承

上天眷佑粵自

太祖

太宗肇建鴻業

世祖統一寰區

聖祖

世宗

高宗

仁宗

宣宗重熙累洽中外乂安我

皇考文宗顯皇帝臨御十有一年宵旰憂勤日臻上理盛

德豐功昭垂萬世

深恩厚澤漸被八紘方期撫綏寰海多福永膺詎意

臨幸灤陽舊疾復作元氣日虧竟至彌留不起七月十六

詔州府志卷一

訓典

五十九

日子刻

諭立朕爲皇太子十七日寅刻

龍馭遽升以神器屬於藐躬朕自維冲齡薄德懼不克勝

顧念

列聖詒謀之要

皇考付託之隆勉抑哀忱膺茲重寄恪遵

成命於十月初九日祇告

天

地

宗廟

社稷卽皇帝位以明年爲同治元年仰紹

前猷彌增寅惕際新綸之不布衍景運於無疆所有應行

事宜條列於左

- 一在京在外諸王以下至公等以上俱加恩賜
- 一內外自公主以下至格格各加恩賜
- 一內外滿漢文武大小官員俱加一級
- 一內外大小各官除各以現在品級已得封贈外凡升級及改任者着照新銜封贈
- 一文官在京四品以上在外二品以上武官在京在外二品以上照現任品級各廕一子入監讀書

一內外文職自四品以下武職自二品以下降革

留任及住俸罰俸處分准其開復

- 一會試額數俟禮部臨期奏明人數請旨酌量廣額鄉試大省加三十名次省加二十名小省加十名滿洲蒙古加六名漢軍加三名
- 一各直省入學額數大學加七名中學加五名小學加三名
- 一國子監貢監生及各官學教習免坐監一月
- 一各直省儒學無論府州縣衛俱於本年以正貢作恩貢次貢作歲貢
- 一每府州縣衛各舉孝廉方正暫賜以六品頂戴榮身以備詔用務期採訪真確毋得濫舉

一

歷代帝王陵寢

孔子闕里及五岳四瀆等祀應遣官致祭者照舊例行

一官吏兵民人等有犯除謀反叛逆子孫謀殺祖父母父母內亂妻妾殺夫奴婢殺家長一家非死罪三人採生折割人謀殺故殺真正人命蠱毒魘魅毒藥殺人強盜妖言十惡等真正死罪不赦外軍務獲罪隱匿逃人亦不赦外其餘自咸豐十一年十月初九日以前已發覺未發覺已結未結者咸赦除之有以赦前事告訐者以

韶州府志卷一

訓典

六十一

其罪罪之

一各省軍流人犯查明到配三年實在安靜守法及年餘七十者釋放回籍

一各處盜賊或爲飢寒所累或爲貪官所迫實有可憫如能改過就撫者准赦其罪

一各旗籍內務府及五旗包衣人等凡侵貪挪移一切賠罰應追銀兩實係本人家產盡絕者查明准與豁免其分賠代賠以及牽連着賠者一概豁免

一凡官員因公賠罰等項而其子孫又代祖父著賠者查明豁免

一旗營官兵有因出征及被灾借支俸餉者免其扣還

一滿漢兵丁有曾經効力行間因被傷年老閒住者除例得優卹外查明酌加恩賚

一歷年驛站軍興甚屬勞苦着各省督撫加意撫卹

一各直省有同堂五世及親見七代者除例賞匾額外查明各加恩賚

一天下之本農爲重各府州縣衛果有勤於耕種務本力作者地方官不時加獎以示鼓勵

一除五旗包衣佐領下披甲人等不賞外八旗滿

洲蒙古漢軍護軍披甲人礮手步軍各賞一月錢糧

一軍民年七十以上者許一丁侍養免其雜派差役八十以上者給與九品頂戴九十以上者給與八品頂戴百歲以上者給與七品頂戴一百二十歲以上者給與六品頂戴百歲至一百二十歲以上者均仍題明給與建坊銀兩

一各處養濟院所有鰥寡孤獨及殘疾無告之人有司留心以時養贍無致失所

於戲觀光揚烈敢稍寬繼述之心錫類推恩期共慰隆平之望諸王文武大小臣工其各矢忠誠贊襄郅治以

垂我國家萬我有道之麻布告天下咸使聞知

韶州府志卷一

訓典

六十三

韶州府志卷一終

佛山豆豉巷廣女堂
韶州四如軒陳耀誠
承刊刷

